

文選正文

山子照

七

文  
1667

920.42  
408  
Vol. 8



文選正文卷之七

不勝

詩類

古詩十九首 五言

行行重行行。與君生別離。相去萬餘里。各在天一涯。道路阻

且長。會面安可知。胡馬依北風。越鳥巢南枝。相去日已遠。衣

帶日已緩。浮雲蔽白日。游子不顧返。思君令人老。歲月忽已

晚。棄捐勿復道。努力加餐飯。青青河畔草。鬱鬱園中柳。盈盈

樓上女。皎皎當窗牖。娥娥紅粉粧。纖纖出素手。昔為娼家女。

今為蕩子婦。蕩子行不歸。空牀難獨守。青青陵上柏。磊磊澗

中石。人生天地間。忽如遠行客。斗酒相娛樂。聊厚不為薄。驅

車策駑馬。游戲宛與洛。洛中何鬱鬱。冠帶自相索。長衢羅夾

行啓記  
念文庫  
印



恭王侯多弟兄兩宮遙相望雙闕百餘人極宴娛心意戚戚  
何所道今日良宴會歡樂難具陳彈箏會逸興新聲妙入神  
令德唱高言識曲聽其真齊心同所願合意俱未申人生寄  
一世奄忽若騰塵何不策高足先據要路津無爲守窮賤  
軻長苦辛西北有高樓上與浮雲齊交疏結綺窻阿閣三重  
階上有絃歌聲音響一何悲誰能爲此曲無乃祀梁楚清商  
隨風發中曲正徘徊一彈冉一歎慨慨有餘哀不惜歌者苦  
但傷知音稀願爲雙鳴鶴奮翅起高飛涉江采芙蓉蘭澤多  
芳草采之欲遺誰所思在遠道還顧望舊鄉長路漫浩浩同  
心而離居憂傷以終老明月皎夜光促織鳴東壁玉衡指  
冬衆星何歷歷白露霏野草時節忽復易秋蟬鳴樹間玄鳥

逝安適昔我同門友高舉振六翮不念攜手好棄我如遺跡  
南箕北有斗牽牛不負輓良無磐石固虛名復何益冉冉孤  
生竹結根泰山阿與君爲新婚克絲附女蘿兔絲生有時大  
婦會有宜千里遠結婚悠悠隔山陂思君令人老車來何  
遲傷彼蕙蘭花含英揚光輝過時而不采將隨秋草萎君  
元執高節賤妾亦何爲庭中有奇樹綠葉發華滋攀條折其榮  
將以遺所思馨香盈懷袖路遠莫致之此物何足貴但感別  
經時迢迢牽牛星皎皎河漢女纖纖擢素手札札弄機杼終  
日不成章泣涕零如雨河漢清且淺相去復幾許盈盈一水  
間脈脈不得語迴車駕言邁悠悠涉長道四顧何茫茫東風  
搖百草所遇無故物焉得不速老盛衰各有時立身苦不早



人生非金石豈能長壽考奄忽隨物化祭名以爲寧東城高  
且長逶迤自相屬颶風動地起秋草萋已綠四時更變化歲  
暮一飢速晨風懷苦心蟋蟀傷局促蕩滌放情志何爲自結  
束燕趙多佳人美者顏如玉被服羅裳衣當戶理清曲音響  
一何悲絃急知杜促馳情整巾帶沈吟聊躑躅思爲雙飛燕  
銜泥巢君屋驅車上東門遙望郭北墓白楊何蕭蕭松柏夾  
廣路下有陳死人杳杳卽長暮潛寐黃泉下千載永不寤浩  
浩陰陽移年命如朝露人生忽如寄壽無金石固萬歲更相  
送賢聖莫能度服食求神仙多爲藥所快不如飲美酒被服  
紵與素去者日以疎生者日以親出郭門直視但見  
古墓葬爲田松柏摧爲薪白楊多悲風蕭蕭愁殺人思還故

里間欲歸道無因生年不滿百常懷千歲憂晝短告夜長何  
不秉燭遊爲樂當及時何能待來茲愚者愛惜費但爲後世  
嗤仙人王子喬難可與等期凜凜歲云暮螻蛄夕鳴悲涼風  
率已厲游子寒無衣錦衾遺洛浦同袍與我違獨宿累長夜  
夢想見容輝良人惟古懽枉駕惠前綏願得常巧笑攜手同  
車歸旣來不須更又不處重閨亮無晨風翼焉能凌風飛眇  
眇以適意引領遙相睇徙倚懷感傷垂涕霑雙扉孟冬寒氣  
至北風何慘慄愁多知夜長仰觀衆星列二五明月滿四五  
瞻克缺客從遠方來遺我一書札上言長相思下言久離別  
置書懷袖中三歲字不滅一心抱區區懼君不識察客從遠  
方來遺我一端綺相去萬餘里故人心尚爾又絲雙鴛鴦裁



爲合歡被著以長相思緣以結不解以膠投漆中誰能別離  
此明月何皎皎照我羅牀帷憂愁不能寐攬衣起徘徊客行  
雖云樂不如早旋歸出戶獨徬徨愁思當告誰引領還入房  
淚下霑裳衣

與蘇武詩三首

李陵

良時不再至離別在須臾屏營衢路側洗手野踟躕仰視浮  
雲馳奄忽互相踰風波一失所各在天一隅長當從此別且  
復立斯須欲因晨風發送子以賤軀

嘉會難再遇三載爲千秋臨河濯長纓念子悵悠悠遠望悲  
風至對酒不能酬行人懷往路何以慰我愁獨有盈觴酒與  
子結綢繆

攜手上河梁游子暮何之徘徊踐路側恨恨不能離行人難  
久留各言長相思安知非日月弦望自有時努力崇明德皓  
首以爲期

詩四首

蘇武

骨肉緣枝葉結交亦相因四海皆兄弟誰爲行路人况我連  
枝樹與子同一身昔爲鴛與鴦今爲參與辰昔者常相近  
若胡與秦惟念當離別恩情日以新鹿鳴思野草可以喻嘉  
賓我有一樽酒欲以贈遠人願子留斟酌叙此平生親

黃鸝一遠別千里顧徘徊胡馬失其羣思心常依依何况雙  
飛龍羽翼臨當垂幸有絃歌曲可以喻中懷請爲游子吟冷  
冷一何悲絲竹厲清聲慷慨有餘哀長歌正激烈中心恰以



摧欲展清商曲念子不能歸俛仰內傷心淚下不可揮願爲  
雙黃鵠送子俱遠飛

結髮爲夫妻恩愛兩不疑歡娛在今夕嫵婉及良時征夫懷  
往路起視夜何其參辰皆已沒去去從此辭行役在戰場相  
見未有期握手一長歎淚爲生別滋努力愛春花莫忘歡樂  
時生當復來歸死當長相思

燭燭晨明月覆覆我蘭芳芬馨良夜發隨風聞我堂征夫懷  
遠路遊子戀故鄉寒冬十二月晨起踐嚴霜俯觀江漢流仰  
視浮雲翔良友遠離別各在天一方山海隔中州相去悠且  
長嘉會難兩遇歡樂殊未央願君崇令德隨時愛景光

四愁詩四首 七言并序

張衡

張衡不樂久處機密陽嘉中出爲河間相時國上驕奢不遵  
法度又多豪右并兼之家衡卜車治威嚴能內察屬縣姦猾  
行巧劫皆密知名下吏收捕盡服擒諸豪俠游客悉惶懼逃  
出境郡中大治爭訟息獄無繫囚時天下漸弊鬱鬱不得志  
爲四愁詩屈原以美人爲君子以珍寶爲仁義以水深雪雰  
爲小人思以道術相報貽於時君而懼讒邪不得以通其辭  
曰

一思曰我所思兮在太山欲往從之梁父艱側身東望涕霑  
翰美人贈我金錯刀何以報之英瓊瑤路遠莫致倚道遙何  
爲懷憂心煩勞

二思曰我所思兮在桂林欲往從之湘水深側身南望涕霑



襟美人贈我金琅玕。何以報之雙玉盤。路遠莫致倚惆悵。向  
爲懷憂心煩傷。

三思曰。我所思兮在漢陽。欲往從之隴阪長。側身西望涕霑  
裳。美人贈我貂襜褕。何以報之明月珠。路遠莫致倚踟躕。何  
爲懷憂心煩糾。

四思曰。我所思兮在鴈門。欲往從之雪紛紛。側身北望涕霑  
巾。美人贈我錦繡段。何以報之青玉案。路遠莫致倚增歎。何  
爲懷憂心煩惋。

雜詩 五言

王粲

日暮游西園。莫寫憂思情。曲池揚素波。列樹敷丹榮。上有特  
棲鳥。懷春向我鳴。寒衽欲從之。路險不得行。徘徊不能去。佇  
立望爾形。風颺揚塵起。白日忽已冥。起身入空房。託夢通精  
誠。人欲天不違。何懼不合并。

雜詩

劉楨

職事煩填委。文墨紛消散。馳翰未暇食。日昃不知晏。沈迷簿  
領書。回回自昏亂。釋此出西城。登高且游觀。方塘含白水中  
有鳧。與鴈安得肅肅羽。從爾浮波瀾。

雜詩二首

魏文帝

漫漫秋夜長。烈烈北風涼。展轉不能寐。披衣起徬徨。徬徨忽  
已久。白露濡我裳。俯視清水波。仰看明月光。天漢迴西流。二  
五。從黃帝。蟲鳴何悲孤。鴈獨南翔。鬱鬱多愁思。緜緜思故  
鄉。願飛安得翼。欲濟河無梁。向風長歎息。斷絕我中腸。



西北有浮雲亭亭如車蓋惜哉時不遇適與飄風會吹我東  
南行行行至吳會吳會非我鄉安能久留滯棄置勿復陳客  
子常畏人

朔風詩四言

曹植

仰彼朔風用懷魏都願騁代馬倏忽北徂凱風永至思彼蠻  
方願隨越鳥翻飛南翔四氣代謝懸景運周別如俯仰脫若  
三秋昔我初遷朱華未希今我旋山素雪云飛俯降千仞仰  
登天門風飄蓬飛載離寒暑千仞易陞天阻可越昔我同袍  
今永乖別子姪芳草豈忘爾貽繁華將茂秋霜悴之君不垂  
眷豈云其誠秋蘭可喻桂樹冬榮絃歌蕩思誰與銷憂臨川  
暮思何爲泛舟豈無和樂游非我鄰誰忘泛舟愧無榜人

雜詩六首

曹植

高臺多悲風朝日照北林之子在萬里江湖迥且深方舟安  
可極離思故難任孤馬飛南遊過庭長哀吟翹思慕遠人願  
欲託遺音形影忽不見翩翩傷我心

轉蓬離本根飄飄隨長風何意迴颺舉吹我入雲中高海上  
無極天路安可窮類此游客子捐軀遠從戎毛褐不掩形蔽  
霍常不充去去莫復道沈憂令人老

西北有織婦綺縞何繽紛明晨秉機杼日昃不成文太息終  
長夜悲嘯入青雲妾身守空閨良人行從軍自期三年歸今  
已歷九春飛鳥繞樹翔嗷嗷鳴哀羣願爲南流景馳光見我  
君



南國有佳人。容華若桃李。朝游江北岸。夕宿瀟湘止。時俗薄  
朱顏。誰爲發皓齒。俛仰歲將暮。榮耀難久恃。  
僕夫早嚴駕。吾將遠行游。遠游欲何之。吳國爲我仇。將騁萬  
里塗。東路安足由。江介多悲風。淮泗馳急流。願欲一輕濟。惜  
哉無方舟。閑居非吾志。甘心赴國憂。  
飛觀百餘尺。臨牖御橫軒。遠望周千里。朝夕見平原。烈士多  
悲心。小人媮自閑。國讐亮不塞。甘心思喪元。拊劍西南望。思  
欲赴泰山。絃急悲聲發。聆我慷慨言。

情詩

曹植

微陰翳陽景。清風飄我衣。游魚潛綠水。翔鳥薄天飛。眇眇客  
行士。遙役不得歸。始出嚴霜結。今來白露晞。游子歎黍離。處  
者歌式微。慷慨對嘉賓。悽愴內傷悲。

雜詩 四言

嵇康

微風清扇。雲氣四除。皎皎亮月。麗于高隅。興命公子。携手同  
車。龍驥翼翼。揚鑣踟躕。蕭蕭宵征。造我友虛。光燈吐輝。華幔  
長舒。鸞觴酌醴。神鼎烹魚。絃超于野。歎過綿駒。流詠太素。俯  
讚玄虛。孰克英賢。與爾剖符。

雜詩 五言

傅玄

志士惜日短。愁人知夜長。攝衣步前庭。仰觀南鴈翔。玄景隨  
形運。流響歸空房。清風何飄颻。微月出西方。繁星依青天。列  
宿自成行。蟬鳴高樹間。野鳥號東廂。纖雲時髣髴。渥露霑我  
裳。良時無停景。北斗忽低昂。常恐寒節至。凝氣結爲霜。落葉



隨風摧一絕如流光

雜詩

張華

晷度隨天運。四時互相承。東壁正昏中。固陰寒節升。繁霜降當夕。悲風中夜興。朱火青無光。蘭膏坐自凝。重衾無暖氣。挾纈如懷冰。伏枕終遙昔。寤言莫予應。永思慮崇替。慨然獨撫膺。

情詩二首

張華

清風動帷簾。晨月照幽房。佳人處遐遠。蘭室無容光。襟懷擁虛景。輕衾覆空牀。居歎悵夜促。在感怨宵長。拊枕獨嘯歎。感慨心內傷。

游目四野外。逍遙獨延佇。蘭蕙緣清渠。繁華蔭綠渚。佳人不在此。取此欲誰與。巢居知風寒。穴處識陰雨。不曾遠別離。安知慕儔侶。

園葵詩

陸機

種葵北園中。葵生鬱萋萋。朝榮東北傾。夕穎西南晞。零露垂鮮澤。朗月耀其輝。時逝采風戢。歲暮商飈飛。曾雲無溫液。嚴霜有凝威。幸蒙高墉德。曷景陰素藪。豐條兌春盛。落葉後秋衰。慶彼晚彫福。忘此孤生悲。

思友人詩

曹摅

密雲翳陽景。霖潦淹庭除。嚴霜彫翠草。寒風振纖枯。凜凜大氣清。落落卉木疎。感時歌蟋蟀。思賢詠白駒。情隨玄陰滯。心與北風俱。思心何所懷。懷我歐陽子。精義測神奧。清機發妙



理自我別句。別微言。絕于耳。寒裳不足難。清揚未可俟。延首  
出階。操竹立。增想似。

感舊詩一首

曹墟

富貴他人合。貧賤親戚離。廉蘭門易軌。田實相奪移。長風集  
茂林。棲鳥去枯枝。今我唯困蒙。郡土所背馳。鄉人敦懿義。濟  
濟蔭光儀。對賓頌有客。舉觴詠露斯。臨樂何所歎。素絲與路  
岐。

雜詩

何劭

秋風乘夕起。明月照高樹。閑房來清氣。廣庭發暉素。靜寂愴  
然歎。惆悵出游。樹仰視。丘上草。俯察階下露。心虛體自輕。飄  
飄若仙步。瞻彼陵上柏。想與神人遇。道深難可期。精微非所

慕。勤思終遙夕。永言寫情慮。

雜詩

王讚

朔風動秋草。邊馬有歸心。胡寧久分拆。靡靡忽至今。王事離  
我志。殊隔過商參。昔行鶴鵠鳴。今來蟋蟀吟。人情懷舊鄉。客  
鳥思故林。同涓久不奏。誰能宣我心。

雜詩

棗據

吳寇未殄滅。亂象侵邊疆。天子命上宰。作蕃下漢陽。開國建  
元士。玉帛聘賢良。予非荆山璞。謬登和氏場。羊質服虎文。燕  
翼假鳳翔。既懼非所任。怨彼南路長。千里既悠邈。路次限關  
梁。僕夫罷遠涉。車馬困山岡。深谷下無底。高巖聳穹蒼。豐草  
停滋潤。霧露濡衣裳。玄林結陰氣。不風自寒涼。顧瞻情感切。



惻愴心哀傷。生則懸弧。有事在四方。安得恒逍遙。端坐守  
獨房。引義割外情。內感實難忘。

雜詩

左思

秋風何冽冽。白露爲朝霜。柔條日夕勁。綠葉日夜黃。明月出  
雲崖。嗷嗷流素光。披軒臨前庭。嗷嗷晨鴈翔。高志局四海。塊  
然守空堂。壯齒不恒居。歲暮常慨慷。

雜詩

張翰

暮春和氣應。白日照園林。青條若總翠。黃華如散金。嘉卉亮  
有觀。顧此難久耽。延頸無良塗。頓足託幽深。榮與壯俱去。賤  
與老相尋。歡樂不照顏。慘愴發謳吟。謳吟何嗟及。古人可慰

心

雜詩十首

張協

秋夜涼風起。清氣蕩暄濁。蜻蛚吟階下。飛蛾拂明燭。君子從  
遠役。佳人守笑獨。離居幾何時。鑽燧忽改木。房櫺無行跡。庭  
草萋以綠。青苔依空墻。蜘蛛網四屋。感物多所懷。沈憂結心

人。火流坤維。白日馳西陸。浮陽映翠林。迴竅扇綠竹。飛雨灑  
朝蘭。輕露棲叢菊。龍蟄暄氣凝。天高萬物肅。弱條不重結。芳  
蕤豈再馥。人生瀛海內。忽如鳥過目。川上之歎逝。前修以自  
勗。

金風扇素節。丹霞啓陰期。騰雲似涌煙。密雨如散絲。寒花發  
黃采。秋草含綠滋。閑居玩萬物。離羣戀所思。案無蕭氏牘。庭



無貢公基高尚遺王侯道積自成基至人不嬰物餘風足染  
時

朝霞迎白日丹氣臨暘谷翳翳結繁雲森森散雨足輕風摧  
勁草凝霜竦高木密葉日夜疎叢林森如束疇昔歎時遲晚  
節悲年促歲暮懷百憂將從季主卜

昔我資章甫聊以適諸越行行入幽荒旣駭從視髮窮年非  
所用此貨將安設銑齏夸璵璠魚口笑明月不見郢中歌能  
不居然別陽春無和者巴人皆下節流俗多昏迷此理誰能  
察

朝登魯陽關狹路峭且深流澗萬餘丈圍木數千尋咆虎響  
窮山鳴鶴聒空林淒風爲我嘯百嶺坐自吟感物多思情在  
險易當心樹來戒不虞挺繼越飛岑主陽驅九折周文走岑  
峯經阻貴勿遲此理著來今

此鄉非吾地此郭非吾城羈旅無定心翩翩如懸旌出覩軍  
馬陣入聞鞞鼓聲常懼羽檄飛神武一朝征長鋏鳴鞘中烽  
火列邊亭捨我衡門衣更被緲胡纓疇昔懷微志惟慕竊所  
經何必操干戈堂上有奇兵折衝樽俎間制勝在兩楹以遲  
不足稱拙速乃垂名述職投邊城羈束戎旅間下車如昨日  
望舒四五圓借問此何時胡蝶飛南園流波戀舊浦行雲思  
故山闕越衣文蛇胡馬願度燕土風安所習由來有固然  
結宇窮岡曲耦耕幽藪陰荒庭寂以閑幽岫峭且深淒風起  
東谷有滄典南岑雖無箕畢期膚寸自成霖澤雉登壘雒寒



獲擁條吟碣壑無人跡荒楚鬱蕭森投耒循岸垂時間樵采  
音重基可擬志廻淵可比心養真尚無爲道勝貴陸沈游思  
竹素園寄辭翰墨林

墨嶼躍重淵商羊舞野庭飛廉應南竇豐隆迎號屏雲根臨  
八極雨足灑四溟霖歷過二旬散漫亞九齡階下伏泉涌堂  
上水衣生洪潦浩左割人懷昏墊情沈液漱陳根綠葉腐秋  
華里無曲突煙路無行輪聲環堵自頽毀垣間不隱形尺燼  
重尋桂紅粒貴瑤瓊君子守固窮在約不爽貞雖榮田方贈  
慚爲清壑名取志於陵子比足黔婁生

時興詩

盧謏

塵囂圓象運悠悠方儀廓忽忽歲云暮游原采蕭藿北喻

與河南臨伊與洛凝霜霑蔓草悲風振林薄撼撼芳葉零藥  
藥芬華落下泉激冽清曠野增遼索登高眺遐荒極望無崖  
嶠形變隨時化神感因物作潛乎至人心恬然存玄漠

雜詩二首

陶潛

結廬在人境而無車馬喧問君何能爾心遠地自偏采菊東  
籬下悠然望南山山氣日夕佳飛鳥相與還此還有真意欲  
辯已忘言

秋菊有佳色裛露掇其英泛此忘憂物遠我達世情  
獨進杯盡壺自傾日入羣動息歸鳥趨林鳴嘯傲東軒下聊  
復得此生

詠貧士

陶潛



萬族各有託孤雲獨無依曖曖虛中滅何時見餘輝朝霞開  
宿霧衆鳥相與飛遲遲出林翻未夕復來歸量力守故轍豈  
不寒與飢知音苟不存已矣何所悲

讀山海經

陶潛

孟夏草木長繞屋樹扶疎衆鳥欣有託吾亦愛吾廬既耕亦  
已種日還讀我書窮巷隔深轍頗迴故人車歡言酌春酒摘  
我園中蔬微雨從東來好風與之俱泛覽周士傳流觀山海  
圖俛仰終宇宙不樂復何如

七月七日夜詠牛女

謝惠連

落日隱欄楹升月照簾櫳團團滿葉露析析振條風蹀足循  
廣除瞬目曜曾霄雲漢有靈匹彌年闕相從遐川阻眺愛修

渚曠清容弄杼不成藻聳鸞驚前蹤昔離秋已兩今聚夕無  
雙傾河易迴幹欵情難久悰沃若靈駕旋寂寥雲幄空留情  
顧華寢遙心逐奔龍沈吟爲爾感情深意彌重

擣衣

謝惠連

銜紀無滄度啓運條如催白露滋園菊秋風落庭槐蕭蕭莎  
雞羽烈烈寒將啼夕陰結空幕宵月皓中閨美人戒裳服端  
飾相招携簪玉出北房鳴金步南階欄高砧響發櫛長杵聲  
哀微芳起兩袖輕汗染雙題紉素旣已成君子行未歸裁用  
筥中刀縫爲萬里衣盈篋自余手幽絨候君開腰帶准疇昔  
不知今是非

南樓中望所遲客

謝靈運



杳杳日西頽漫漫長路迫金樓爲誰思臨江遲來客與我別  
所期期在三五夕圓景早已滿佳人殊未適卽事怨吟携感  
物方懷戚孟夏非長夜晦明如歲隔瑤華未堪折蘭若已屢  
摘路阻莫貽問云何慰離析搔首訪行人引領莫良覿

田南樹園激流植援

謝靈運

蕪隱俱在山由來事不同不同非一事養痾亦園中園中屏  
氛雜清曠招遠風卜室倚北阜啓扉面南江激澗代汲井揮  
槿當列壻奉木旣羅戶衆山亦當愈靡迤趨下田迢遞瞰高  
峯寡欲不期勞卽事罕人功唯開蔣生徑永懷求羊蹤賞心  
不可忘妙善冀能同

齋中讀書

謝靈運

昔余遊京華未嘗廢丘壑矧乃歸山川心跡雙寂寞虛館絕  
諍訟空庭來鳥雀臥疾豐暇豫翰墨時閒作懷抱觀古今寢  
食展戲謔旣笑沮溺苦又哂子雲閑執戟亦以疲耕稼豈云  
樂萬事難並歡達生幸可托

石門新營所在四面高山廻溪石瀨茂林修竹

謝靈運

躡險乘幽居披雲臥石門苔滑誰能步葛弱豈可捫嫋嫋秋  
風過萋萋春草繁美人遊不還佳期何由敦芳塵凝瑤席清  
醪滿金樽洞庭空波瀾桂枝徒攀翻結念屬霄漢孤景莫與  
譖俯濯石下潭仰看條上猿早聞夕飈急晚見朝日暎崖傾  
光難留林深響易奔感往慮有復理來情無存庶特乘日用



得以慰營魂。匪爲衆人說。莫與智者論。

雜詩

王微

思婦臨高臺。長想憑華軒。弄絃不成曲。哀歌送苦言。篋帶留江介。良人處鴈門。詎憶無衣苦。但知狐白溫。日暗牛羊下。野雀滿空園。孟冬寒風起。東壁正中昏。朱火獨照人。抱景自愁怨。誰知心曲亂。所思不可論。

數詩

鮑昭

一身仕關西。家族滿山東。年從車駕齋。祭日泉宮三朝國。慶畢休沐還。舊邗四牡驅。長路輕蓋若飛鴻。五侯相餞送。高會集新豐。六樂陳廣坐。組帳揚春風。七盤起長袖。庭下列歌鐘。八珍盈彫俎。綺肴分錯重。九族共瞻。蓬賓友仰微容。十載

學無就。善宦一朝通。

觀月城西門廡中

鮑昭

始出西南樓。纖纖如玉鈎。未映東北墀。娟娟似蛾眉。蛾眉蔽珠纒。玉鈎隔瑣牕。三五二八時。千里與君同。夜移衡漢落。徘徊帷戶中。歸華先委露。別葉早辭風。客遊厭苦辛。仕子倦飄塵。休澣自公日。宴慰及私辰。蜀琴抽白雪。郢曲發陽春。看乾酒未缺。金壺啓夕淪。迴軒駐輕蓋。留酌待情人。

始出尚書省

謝朓

惟昔逢休明。十載朝雲陛。旣通金闈籍。復酌瓊筵醴。宸景朕照臨。昏風淪繼體。紛虹亂朝日。濁河穢清濟。防口猶寬政。發茶更如薺。英袞暢人謀。文明固天啓。青精翼紫軼。黃旗映朱



邸還視司隸章復見東都禮中區咸已泰輕生涼昭泗趨事  
辭宮闕載筆陪旌紫邑皇向疏無寒流自清泚衰柳尚沈沈  
凝露方泥泥零落悲友朋歡虞讌兄弟既秉丹石心寧流素  
絲源乘此終蕭散垂竿深淵底

中書省

謝朓

紫殿肅陰陰彤庭赫弘敞風動萬年枝日華承露掌玲瓏結  
綺錢深沉映朱網紅藥常階翻蒼苔依砌上茲言翔鳳池鳴  
珮多清響信美非吾室中國思偃仰朋情以鬱陶春物方駘  
蕩安得凌風翰聊恣山泉賞

觀朝雨

謝朓

朔風吹飛雨蕭條江上來既漚百常觀復集九成臺空濛如  
薄霧放漫似輕埃平明振衣坐重門猶未開日晷無接懷  
古信悠哉戢翼希驥首乘流畏曝鱉動息無兼遂岐路多徘徊  
徇方同戰勝者去翦北山萊

郡內登望

謝朓

借問下車日匪直望舒圓寒城一以眺平楚正蒼然山積陵  
陽阻溪流春穀泉威風遠甸曩帶遠人切切陰風暮來  
柘起寒煙悵望心已極恫恍魂屢遷結髮倦爲旅半生早事  
邊誰規鼎食盛宦要狐白鮮方棄汝南節言稅途東田

和伏武昌登孫權故城

謝朓

炎靈遺劔璽當塗曩龍戰聖期缺中夔霸功典寓縣馬  
吳山鳳翔陵楚甸衿帶窮巖險帷布盡謀選北江游騶鐵西



龕收組練江海既無波俯仰流英盼表是類禋郊卜俟崇離  
殿釣臺臨講閣樊山開廣譙文物共葳蕤聲明且惠情三光  
厭分景書軌欲同薦參差世祀忽寂寞市朝變舞館識餘基  
歌梁想遺轉故林衰木平荒池秋草徧雄圖長於茲茂宰深  
遐瞻幽客滯江臯從賞乖纓弁清卮阻獻酬長書限聞見幸  
籍芳音多承風采餘絢工役儻有期鄂渚同游

和王著作八公山詩

謝朓

二別阻漢城雙嶂望河澳茲嶺復噴岬分區奠淮服東限琅  
邪臺西距孟諸陴門眠起雜樹檀欒陰修竹日隱澗疑空雲  
聚岫如復出沒眺樓雉遠近送春日戊州昔亂卒素景淪伊  
穀出危賴宗衮微管寄明牧長蛇固能剪弁鯨自此曝道峻  
芳塵流業遙年運修平生仰令圖可嗟命不淑浩蕩別親知  
連翩飛征軸再還館娃宮兩去河陽谷風煙四時犯霜雨朝  
夜沐春秀良已凋秋場庶能築

和徐都曹

謝朓

宛洛佳遨遊春色滿皇州結軫青郊路迴瞰蒼江流日華川  
上動風光草際浮桃李成蹊徑桑榆陰道周東都已倣載言  
歸望綠疇

和王主簿怨情

謝朓

掖庭聘絕國長門失歡宴相逢詠靡靡無辭寵悲班扇花叢亂  
數蝶風簾入雙燕徒使春帶賒坐惜紅裝變平生願重宿  
昔千金賤故人心尚爾故心人不見



和謝宣城

沈約

王喬飛鳧局東方金馬門從宦非宦侶避世不避喧  
於余登皇容知翮屢飛翻長適游建禮晚沐臥郊園  
賓主下塵榻憂來命絲罽昔賢作時雨今守覆蘭蓀  
神交波夢寐路遠懼思存幸拙謬東汜浮情及西崑  
顧循良非薄何以儷瓊璫將隨渤澥去刷羽汎清源

應王中丞思遠詠月

沈約

月華臨靜夜夜靜滅氛埃方擘竟戶人圓影隙中來  
高樓切思婦西園游才網朝吹朱綬應門照絲管洞房殊未曉清光信悠哉

冬節後至水相第請世子車中作命入沈約

廉公失權勢門館有虛盈貴賤猶如此況乃山池平  
高車塵未滅珠履故餘聲賓階綠錢滿客位紫苔生  
誰當九原上鬱鬱望佳城

學省愁臥

沈約

秋風吹廣陌蕭瑟入南闌愁人掩軒臥高窗時動扉  
虛館清陰滿神宇暖微微網蟲垂戶織夕鳥傍欄飛  
縹緲空為奈江海事多違山中有桂樹歲暮可言歸

詠湖中鴈

沈約

白水蒲春塘旅鴈每迴翔嗷流牽弱藻斂翮帶餘霜  
羣浮動輕浪單泛逐孤光懸飛竟不下亂起未成行  
刷羽同搖漾舉還故鄉



三月三日率爾成篇

沈約

麗日屬元巳年芳具在斯  
開花已中樹流鸞復蒲枝  
洛陽繁華子長安輕薄兒  
東出千金堰西臨鴈鷺波  
游絲吹空轉高楊拂地垂  
綠幘文照曜紫燕光陸離  
清晨戲伊水薄暮宿蘭池  
象筵鳴寶瑟金瓶汎羽卮  
寧憶春鸞起日暮桑欲萎  
長秋屢以拂彫胡方自炊  
愛而不可見宿昔減容儀  
日當忘情去歎息獨何爲

擬古詩十一首

陸機

擬行行重行行

悠悠行邁遠戚戚憂思深  
此思亦何思思君微與音  
音微日夜離緜邈若飛沈  
王鮪懷河岫晨風思北林  
游子眇天末遠期不可尋  
驚飈寒反信歸雲難寄音  
佇立想萬里沈憂萃我心  
攬衣有餘帶循形不盈衿  
去去遺情累安處撫清琴

擬今日良宴會

閑夜命懽友置酒迎風館  
齊篴梁甫吟秦娥張女彈  
哀音繞棟宇遺響入雲漢  
四坐咸同志羽觴不可算  
高譚何綺蔚若朝震爛  
人生無幾何爲樂常苦晏  
譬彼伺晨鳥揚聲當及旦  
曷爲恒憂苦守此貧與賤

擬迢迢牽牛星

昭昭清漢暉粲粲光天步  
牽牛西北迴織女東南顧  
華容一何冶揮手如振素  
怨彼河無梁悲此年歲暮  
歧彼無良緣皖焉不得度  
引領望大川雙汾如霑露



擬涉江采芙蓉

上山采芙蓉，窈窕各饒芳。蘭采采不盈掬，悠悠懷所歡。故鄉何曠，山川阻且難。沈思萬里，躑躅獨吟歎。

擬青青河畔草

靡靡江蘼草，層煙生河側。皎皎彼姝女，阿那富軒織。粲粲妖容，爇爇美顏色。良人游不歸，偏棲獨隻翼。空房來悲風，中夜起歎息。

擬明月何皎皎

安寢北堂上，明月入我牖。照之有餘暉，攬之不盈手。涼風繞曲房，寒蟬鳴高柳。踟躕感節物，我行永已久。游宦會無成，離思劇常守。

擬蘭若生朝陽

嘉樹生朝陽，凝霜封其條。執心守時信，歲寒終不彫。美人何其曠，灼灼在雲霄。隆想彌年月，長嘯入飛颺。引領望天末，譬彼向陽翹。

擬青青陵上柏

冉冉高陵蘋，習習隨風翰。人生當幾時，譬彼濁水瀾。戚戚多滯念，置酒宴所歡。方駕振飛轡，遠游入長安。名都一何綺，城闕鬱盤桓。飛閣縷虹帶，曾臺冒雲冠。高門羅北闕，甲第椒與蘭。俠客控絕景，都人駮玉軒。遨遊放情願，慷慨爲誰歎。

擬東城一何高

西山何其峻，曾曲鬱崔嵬。零露彌天墜，蕙葉憑林哀。寒暑相



因襲時逝忽如頽三閭結飛轡大臺嗟落暉曷爲牽世務中  
心若有違京洛多妖麗玉顏侔瓊麩閑夜撫鳴琴惠音清且  
悲長歌赴促節哀響逐高徽一唱萬夫歎再唱梁塵飛思爲  
河曲鳥雙遊豐水湄

擬西北有高樓

高樓一何峻迢迢峻而安綺窗出塵冥飛陛躡雲端佳人撫  
琴瑟纖手清且閑芳氣隨風結哀響馥若蘭玉容誰得顧傾  
城在彈竹立望日昃躑躅再三歎不怨佇立久但願歌者  
歡思駕歸鴻羽比翼雙飛翰

擬庭中有奇樹

歡友蘭時往迢迢匿音徽虞淵引絕景四節逝若飛芳草久

已茂佳人竟不歸躑躅遶林渚惠風入我懷感物戀所歡采  
此欲貽誰

擬明月皎夜光

歲暮涼風發昊天肅明明招搖西北指天漢東南傾朗月照  
閑房蟋蟀吟戶庭翻翻歸鴈集嘒嘒寒蟬鳴昔同宴友翰  
飛戾高冥服美改聲聽居愉遺舊情織女無機杼大梁不架  
楹

擬四愁詩七言

張載

我所思兮在營州欲往從之路阻修登崖遠望涕泗流我之  
懷矣心傷憂佳人遺我綠綺琴何以贈之雙南金願因流波  
超重深終然莫致增永吟



日暮天無雲。春風扇微和。佳人美清夜。達曙唱且歌。歌竟長  
歎息。持此感人多。明明雲間月。灼灼集中花。豈無一時好。不  
久當如何。

擬魏太子鄴中集八首

并序

謝靈運

建安末。余時在鄴宮。朝游夕讌。究歡愉之極。天下良辰美景。  
賞心樂事。四者難并。今昆弟友朋。二三諸彦。共盡之矣。古來  
此娛。書籍未見。何者。楚襄王時。有宋玉。唐景梁孝王時。有鄒  
枚。嚴馬遊者。美矣。而其上不文。漢武帝時。徐樂諸才。備應對  
之能。而雄猜多忌。豈獲晤言之適。不誣。方將庶必賢於今日。  
爾歲月如流。零落將盡。撰文懷人。感往增愴。其辭曰。

魏太子

百川赴巨海。眾星環北辰。照灼爛霄漢。遙裔起長津。天地中  
橫潰。家王拯生民。區宇既滌蕩。羣英必來臻。忝此欽賢性。由  
來常懷仁。况值衆君子。傾心隆日新。論物靡浮說。析理實敷  
陳。羅縷豈闕辭。窈窕究天人。澄觴滿金罍。連榻設華茵。急絃  
動。飛聽清歌拂梁塵。何言相遇易。此歡信可珍。

王粲

家本秦川。貴公子孫。遭亂流寓。自傷情多。

幽厲昔崩亂。桓靈今板蕩。伊洛既燦煙。函嶺沒無像。整裝辭  
秦川。秣馬赴楚壤。沮漳自可美。客心非外獎。常歎詩人言。式  
微何由往。上宰奉皇靈。侯伯咸宗長。雲騎亂漢南。宛郢皆掃



盪排霧屬盛明披雲對清朗慶泰欲重疊公子特先賞不謂  
息肩願一旦值明兩並載遊鄴京方舟汎河廣綢繆清讌娛  
寂寥梁棟響既作長夜飲豈顧乘日養

陳琳

袁本初書記之工故述喪亂事多

皇漢逢屯遭天下遭氛慙董氏淪關西袁家擁河北卑民易  
周章窘身就羈勒豈意事乖已永懷戀故國相公實勤王信  
能定蚤賊復覩東都輝重見漢朝則餘生幸已多矧迺值明  
德愛客不告疲飲讌遺景刻夜聽極星爛朝遊窮曠黑哀哇  
動梁埃急觴盪幽默且盡一日娛莫知古來感

徐幹

少無宦情有箕穎之心事故仕世多素辭

伊昔家臨淄提携弄齊瑟置酒飲膠東淹留憇高密此歡謂  
可終外物始難畢搖蕩箕濮情窮年迫憂慄未塗幸休明棲  
集建薄質已免負新苦仍游椒蘭室清論事究萬美話信非  
一行觴奏悲歌永夜繫白日華屋非蓬居時髦豈余匹中飲  
顧昔心悵焉若有失

劉楨

卓犖偏人而文最有氣所得頗經奇

貧居晏里閉少小長東平河充當衝要淪漂薄許京廣川無  
逾流招納則羣英北渡黎陽津南登紀郢城既覽古今事頗  
識治亂情歡友相解達敷奏究平生矧荷明哲顧知深覺命



輕朝遊牛羊下。暮坐括揭鳴。終歲非一日。傳厄弄新聲。辰事  
既難諧。歡願如今并。唯羨肅肅翰。續紛戾高冥。

應璩

汝穎之士。流離世故。頗有飄薄之歎。

嗷嗷雲中鴈。舉翮自委羽。求涼弱水涯。違寒長沙渚。顧我涖  
川時。緩步集穎許。一旦逢世難。淪薄恒羈旅。天下昔未定。託  
身早得所。官度廁一卒。烏林預艱阻。晚節值衆賢。合同此天  
宇。列坐虛華棖。金樽盈清醕。始奏延露曲。繼以闌夕語。調笑  
輒酬答。嘲諢無慚沮。傾軀無遺慮。在心良已叙。

阮瑀

管書記之任。故有優渥之言。

河洲多沙塵。風悲黃雲起。金羈相馳逐。懸翮何窮已。慶雲惠  
優渥。微薄幾多上。念昔渤海時。南皮戲清汎。今復河山遊。鳴  
葭汎蘭汜。躡步陵丹楹。並坐侍君子。妍談既愉心。哀弄信睦  
耳。傾醑係芳醕。酌言豈終始。自從食萍來。唯見今日美。

平原侯植

公子不及世事。但美遨遊。然頗有憂生之嗟。

朝遊登鳳閣。日暮集華沼。傾柯引弱枝。攀條摘蕙草。徙倚窮  
騁望。目極盡所討。西顧太行山。北眺邯鄲道。平衢修且直。白  
揚信裊裊。副君命飲宴。歡娛寫懷抱。良遊壯晝夜。豐云晚與  
早。衆賓悉精妙。清辭灑蘭藻。哀音下庭闈。餘哇微清昊。中山  
不知醉。飲德方覺飽。願以黃髮期。養生念將老。



傲曹子建樂府白馬篇

袁淑

劍騎何翩翩長安五陵間奈地天下樞入方湊才賢荆魏多  
壯士宛洛富少年意氣深自負肯事郡邑權籍籍關外來車  
徒傾國屬五侯競書幣奉公要為言義分明於霜信行直如  
弦交歡池陽下留宴汾陰西一朝許人諾何能坐相掛影節  
去函谷投珮出甘泉嗟此務遠圖心為四海懸但營身意遂  
豈校耳目前俠烈良有聞古來共知然

傲古

袁淑

許此倦遊上本家自遼東昔隸李將軍十載事西戎結車高  
關下極望見雲中四面各千里從橫起嚴風寒煥曾如節霜  
雨多異同夕兼北河陰夢還甘泉宮勤役未云已壯年徒為

空。迺知古時人所以悲轉蓬

擬古詩首

劉鑠

擬行行重行行

耿耿陵長道遙遙行遠之回車背京里揮手從此辭堂上流  
塵生庭中綠草滋寒蟬翔水曲秋兔依山基芳年自有華月佳  
人無還期日夕涼風起對酒長相思悲發江南調夢委子衿  
詩臥覺明燈晦坐見輕紈縞淚容不可飾幽鏡難復治願垂  
薄暮景照妾桑榆時

擬明月何皎皎

蕭子雲

落落宿半遙城浮雲薄層闕玉宇來清風羅帳延秋月結思怨  
伊人沈憂懷明發誰為客行久屢見流芳歇河廣川無梁山



高路難越

和琅邪王依古

少年好馳俠。旅宦遊關源。既踐終古跡。聊訊興亡言。隆時為  
藪澤。皇漢成山樊。久沒離宮地。安識壽陵園。仲秋邊風起。孤  
蓬卷霜根。白日無精景。黃沙千里昏。顯軌莫殊轍。幽冷異  
魂聖。賢良已矣。抱命復何怨。

擬古三首

鮑昭

幽并重騎射。少年好馳逐。遠帶佩雙鞬。象弧插彫服。獸肥春  
草短。飛鞚越平陸。朝遊鴈門上。暮還樓煩宿。石梁有餘勁。驚  
雀無全目。漢虜方未和。邊城屢翻覆。留我白羽將。以分虎

竹

魯客事楚王。懷金襲丹素。既荷主人恩。又蒙令尹顧。日晏罷  
朝歸。與馬乘衢路。宗黨生光華。良僕遠傾慕。富貴人所欲。道  
得亦何懼。南國有儒生。迷方獨淪誤。伐木清江湄。設罟守龜  
兔。

十五諷詩書。篇翰靡不通。弱冠忝多士。飛步遊秦宮。側視君  
子論。頂見古人風。兩說窮舌端。五車擢筆鋒。羞當白璧贖。恥  
受聊城功。晚節從世務。乘障遠和戎。解佩襲犀渠。卷衣奉盧  
弓。始願力不及。安知今所終。

學劉公幹體

鮑昭

胡風吹朔雪。千里度龍山。集君瑤臺裏。飛舞兩楹前。茲辰自  
為美。當避豔陽年。豔陽桃李節。皎潔不成妍。



代君子有所思

西出登雀臺。東下望雲關。層閣蕭天。居馳道直。如髮繡裳結。飛霞璇題。納行月。築山擬蓬壺。穿池類溟渤。選色遍齊代。徵聲巾邛越。陳鐘階夕。讌笙歌待明。餐午貌不可還。身意會盈。歛蟻壤。漏山阿。絲淚毀金骨。罌惡含蒲。歌物忌厚生。沒智哉。衆多上。服理辨昭昧。

倣古

范雲

寒沙四面平。飛雪千里驚。風斷陰山樹。霧失交河城。朝驅左賢陣。夜薄休屠營。昔事前軍幕。今逐嫖姚兵。失道刑既重。連曹法未輕。所賴今天子。漢道日休明。

雜體詩二十首

五言并序

入魏入宋入齊入梁入陳入隋入唐入宋入元入明入清

夫楚譚漢風既非一骨。魏製晉造固亦一體。譬猶藍朱成彩。雜錯之變無窮。宮商爲首。靡曼之態不極。故蛾眉爭同貌。而俱動於魄。芳草寧共氣。而皆悅於魂。不其然歟。至於世之諸賢。各滯所迷。莫不論甘而忌辛。姪凡而非素。豈所謂通方廣恕。好遠兼愛者哉。及公幹仲宣之論家。有曲直安仁。士衡之評人。立矯抗。况復殊於此者乎。又貴遠賤近人之常情。重耳輕目俗之恒蔽。是以邯鄲託曲於李。奇士季假論於嗣宗。此其效也。然五言之興。諒非夏古。但關西鄴下。旣已罕同。河外江南。願爲異法。故玄黃經緯之辨。金碧沈浮之殊。僕以爲亦合其美。並善而已。今作二十首詩。數其支體。雖不足當源淵。流庶亦無乖。尚推云爾。



古別離

遠與君別者。乃至鴈門關。黃雲蔽千里。遊了何時還。送君如昨日。簷前露已團。不惜蕙草晚。所悲道里寒。君在天。涯。妾身長別離。願一見顏色。不異瓊樹枝。兔絲及水萍。所寄終不移。

李都尉從軍陵

樽酒送行人。踟躕在親宴。日暮沙雲滋。握手淚如霰。悠悠清川水。嘉魚得所薦。而我在萬里。結髮不相見。袖中有短書。願寄雙飛鸞。

班婕妤 詠扇

執扇如圓月。出自機中素。畫作秦王女。乘鸞向煙霧。彩色也。

所重雖新不代故。竊愁涼風至。吹我玉階樹。君子恩未畢。零落在中路。

魏文帝 遊宴曹不

置酒坐飛閣。逍遙臨華池。神飈自遠至。左右芙蓉披。綠竹夾水。秋蘭被幽崖。月出照園中。冠珮相追隨。客從南楚來。為我吹參差。淵魚猶伏浦。聽者未云疲。高文一何綺。小儒安足為。肅肅廣殿陰。雀聲愁北林。衆賓還城邑。何以慰吾心。

陳思王 贈友曹植

君王禮英賢。不吝千金璧。雙闕指馳道。朱官羅第。春冰井臺清。池映華薄涼。風盪芳氣。碧樹先秋落。朝與佳人期。日夕望青閣。寒裳摘明珠。徙倚拾蕙若。眷我二三子。辭義麗金



曩延陵輕寶劍，季布重然諾。處富不忘貧，有道在葵藿。

劉文學感遇楨

蒼蒼山中桂，團團霜露色。霜露一何繁，桂枝生自直。橘柚在南國，因君為羽翼。謬蒙聖主私，託身文墨職。丹彩既已過，敢不自彫飾。華月照方池，列坐金殿側。微臣固受賜，鴻恩良未測。

王侍中懷德祭

伊昔值世亂，秣馬辭帝京。既傷蔓草別，方知杖村情。嶺函復丘墟，冀闕緬縱橫。倚棹汎涇渭，日暮山河清。蟋蟀依桑野，嚴風吹枯莖。鶴鶴在幽草，客子淚已零。去鄉二十載，幸遭天下平。賢士降嘉賞，金貂服玄纓。侍宴出河曲，飛蓋遊鄴城。朝露

竟幾何，忽如水上萍。君子篤惠義，柯葉終不傾。福履既所綏，千載垂令名。

嵇中散言志康

曰余不師訓，潛志去世塵。遠想山宏域，高步超常倫。靈鳳振羽儀，戢景西海濱。朝食琅玕實，夕飲玉池津。處順故無累，養德乃入神。曠哉宇宙惠，雲羅更四陳。哲人貴識義，大雅明庇身。莊生悟無為，老氏守其真。天下皆得一，名實久相賓。咸池饗受居，鐘鼓或愁辛。柳惠善直道，孫登庶知人。寫懷良未遠，感贈以書紳。

阮步兵詠懷籍

青鳥海上游，鷲斯蒿下飛。沈浮不相宜，羽翼各有歸。飄飄可



終年沉澆安是非朝雲乘變化光耀世所希精衛銜木石誰能測幽微

張司空離情筆

秋月映簾櫳懸光入丹墀佳人撫鳴琴清夜守空帷蘭徑少行跡玉臺生網絲庭樹發紅彩閨草含碧滋延佇整綾綺萬里贈所思願垂湛露惠信我皎日期

潘黃門述哀岳

青春速天機素秋馳白日美人歸重泉悽愴無終畢殯宮已肅清松柏轉蕭瑟俯仰未能別尋念非但撫衿悼寂寞况然若有失明日人綺窓髮髯想蕙質銷憂非萱草永懷寄夢寐寐夢寐復冥冥何由覩爾形我慚北海術爾無帝女靈駕言寢興何時平

陸平原羈宦機

儲后降嘉命恩紀被微身明發春桑梓永歎懷密親流念辭南澨街怨別西津驅馬遵淮泗旦夕見梁陳服義追卜列籍迹廁官臣朱敬咸髦士長纓皆俊人契闊承華內綢繆踰歲年日暮聊總駕逍遙觀洛川徂沒多拱木宿草陵寒煙遊子易感嶺躑躅還自憐願言寄三鳥離思非徒然

左記室詠史思

韓公淪賣藥梅生隱市門百年信在再何用苦心魂當學衛霍將建功在河源珪組賢君聘青紫明主恩終軍才始達賈



誼位方尊。金張服貂冕。許史乘華軒。王侯貴片議。公卿重一言。太平多歡娛。飛蓋東都門。顧念張仲蔚。蓬蒿滿中園。

張黃門 苦雨 協

丹霞蔽陽景。綠泉涌陰渚。水鶴巢層甍。山雲潤柱礎。有弁興春節。愁霖異秋序。變變涼葉奪。戾戾颶風舉。高談玩四時。索居慕侍侶。青苔日夜黃。芳蕤成宿楚。歲暮百慮交。無以慰延佇。

劉太尉 傷亂 琨

皇晉遘陽九。天下橫氛霧。秦趙值薄蝕。幽并逢虎據。伊余荷寵靈。感激狗馳鶩。雖無六奇術。冀與張韓遇。甯戚扣角歌。桓公遭乃舉。苟息冒險難。實以忠貞故。空令日月逝。愧無古人

度。飲馬出城濠。北望沙漠路。千里何蕭條。白日隱寒樹。投袂既憤懣。撫枕懷百慮。功名情未立。玄髮已改素。時哉苟有會。治亂惟冥數。

盧郎中 感交 謚

大厦須異材。廊廟非庸器。英俊著世功。多士濟斯位。眷顧成網繆。迺與時髦匹。姻媾久不虛。契闊豈但一。逢厄既已同。處危非所恤。常慕先達槩。觀古論得失。馬服為趙將。疆場得清謐。信陵佩魏印。秦兵不敢出。慨無帷中策。徒慚素絲質。羈旅去舊鄉。感遇踰琴瑟。自顧非杞梓。勉力在無逸。更以畏友朋。濫吹爭名寶。

郭弘農 遊仙 璞



崦山多靈草。海濱饒奇石。偃蹇尋青雲。隱淪駐精魄。道人讀  
丹經。方士鍊玉液。朱霞入窓牖。耀靈照空際。傲睨摘木芝。陵  
波采水碧。眇然萬里遊。矯掌望煙客。永得安期術。豈愁濛汜  
迫。

張廷尉雜述綽

太素既已分。吹萬著形兆。寂動苟有源。因謂殤子。天道喪涉  
千載。津梁誰能了。思乘扶搖翰。卓然凌風矯。靜觀尺棰義。理  
足未嘗少。罔罔秋月明。憑軒詠堯老。浪迹無蚩妍。然後君子  
道。領略歸。致南山有綺皓。交臂久變化。傳火乃薪草。壘壘  
玄思清。胷中去機巧。物我俱忘懷。可以狎鷗鳥。

許徵君自序詢

張子闇內機。單牛蔽外像。時排冥筮。冷然空中賞。遣此弱  
喪情。資神任獨往。采藥白雲隈。聊以肆所養。丹葩曜芳叢。綠  
竹陰閑敞。茗茗寄意勝。不覺陵虛。曲樞激鮮。颺石室有幽  
響。去矣從所欲。得失非外獎。至哉操斤客。重明固已朗。五難  
既灑落。超跡絕塵網。

殷東陽興囑仲文

晨遊任所萃。悠悠蘊真趣。雲天亦遼亮。時與賞心遇。青松挺  
秀莖。蕙色出喬樹。極眺清波深。緬映石壁素。瑩情無餘滓。拂  
衣釋塵務。求仁既自我。玄風豈外慕。直置忘所宰。蕭散得遺  
慮。

謝僕射遊覽混



信矣勞物化。憂衿未能整。薄言遵郊衢。總轡出臺省。凄凄節序高。寥寥心悟永。時菊曜巖阿。雲霞冠秋嶺。眷然惜良辰。徘徊踐落景。卷舒雖萬緒。動復歸有靜。曾是迫桑榆。歲暮從所乘。舟壑不可攀。志懷寄丘郢。

陶徵君田居潛

種苗在東臯。苗生滿阡陌。雖有荷鋤倦。濁酒聊自適。日暮中柴車。路闢光已夕。歸人埽煙火。稚子候檐隙。問君亦何爲。百年會有役。但願桑麻成。蠶月得紡績。素心正如此。開徑望三益。

謝臨川遊山靈運

江海經漣迴。山嶠備盈缺。靈境信淹留。賞心非徒設。平明登雲峯。杳與廬霍絕。碧鄣長周流。金潭恒澄澈。桐林帶晨霞。石壁映初晰。乳竇既滴瀝。丹井復寥泐。岳嶠轉奇秀。岑峯還相蔽。赤玉隱瑤溪。雲錦被沙汭。夜聞猩猩啼。朝見鼯鼠逝。南中氣候暖。朱華陵白雪。幸遊建德鄉。觀奇經禹穴。身名竟誰辨。圖史終磨滅。且泛桂水潮。映月遊海澨。攝生貴處順。將爲智者說。

顏特進侍宴延之

太微凝帝宇。瑤光正神縣。揆日粲書史。相都麗聞見。列漢構仙宮。開天製寶殿。桂棟留夏飈。蘭櫟停冬霰。靄青林結冥濛。丹嶸被蔥蒨。倚山雲備卿。露池卉具靈。變重陽集清氛。下輦降玄宴。鶩塋分寰遂。曠日盡都甸。氣生川岳陰。煙滅淮海見。中坐



溢朱組步。欄造瓊弁。禮登佇睿情。樂闋延皇助。測恩躋愉逸。  
泐牒情浮賤。榮重餽兼金。巡華過盈瑱。敢飾輿人詠。方慚綠  
水薦。

太師謝法曹贈別惠連

昨發赤亭渚。今宿浦陽汭。方作雲峯異。豈伊千里別。芳塵未  
歇。席沤淚猶在。袂停臚。望極浦。弭棹阻風雪。風雪既經時。夜  
永起懷思。汎濫北湖遊。岩亭南樓期。點翰詠新賞。開泰榮所  
疑。摘芳愛氣馥。拾藥憐色滋。色滋畏沃若。人事亦銷鑠。子矜  
怨勿往。谷風誚輕薄。共秉延州信。無慚仲路諾。靈芝望三秀。  
孤筠情所託。所託已殷勒。祇足攬懷人。今行嘒唳外。銜思主  
海濱。謝。杳未傳款。聯在何辰。維琳雖可贈。疏華竟無陳。無  
陳心惰勞。旅人豈遊遨。幸及風雪霽。青春滿江臯。解纜候前  
侶。還望方鬱陶。煙景若離遠。未響寄瓊瑤。

王徵君養疾徵

竊藹瀟湘空。翠礪澹無滋。寂歷百草晦。欬吸鳴雞悲。清陰往  
來遠。月華散前墀。鍊藥矚虛幌。汎瑟臥遙帷。水碧驗木蠹。金  
膏靈詎縑。北渚有帝子。蕩養不可期。悵然山中暮。懷柯屬此  
詩。

袁太尉從駕淑

官廟禮哀敬。份邑道嚴玄。恭潔由明祀。肅駕在祈年。詔徒登  
季月。戒鳳藻行川。雲布象漢徙。宸網擬星懸。朱攢麗寒渚。金  
鏡映秋山。羽衛藹流景。綵吹震沈淵。辨詩測京國。領籍鑑都



墟。朔。齋。響。玉。律。已。頌。被。丹。紘。文。軫。薄。桂。海。聲。教。燭。冰。人。和。惠。  
頒。上。笏。恩。渥。浹。下。筵。幸。侍。觀。洛。後。豈。慕。巡。河。前。服。義。方。無。沐。  
展。歌。殊。未。宣。

謝光祿郊遊莊

肅。船。出。郊。際。徒。樂。逗。江。陰。翠。山。方。藹。藹。青。浦。正。沈。沈。涼。葉。照。  
沙。曠。林。榮。冒。水。濤。風。散。松。架。險。雲。鬱。石。道。深。靜。默。鏡。鳥。野。四。  
睂。亂。曾。今。氣。清。知。馮。引。露。華。識。援。音。雲。裝。信。解。徽。煙。駕。可。辭。  
金。始。整。丹。泉。術。終。覩。紫。芳。心。行。光。自。容。裔。無。使。弱。思。侵。

鮑參軍戎行別

豪。士。杙。人。學。宵。人。重。恩。此。狗。義。非。爲。利。執。羈。輕。去。鄉。孟。冬。郊。  
祀。丹。我。氣。起。嚴。霜。戎。馬。棠。不。煖。軍。士。冰。爲。漿。晨。一。城。早。坂。積。

礫。皆。羊。腸。寒。陰。籠。白。日。大。谷。晦。蒼。蒼。息。徒。稅。征。駕。倚。劔。臨。八。  
荒。鷓。鴒。不。能。飛。玄。武。伏。川。梁。鍛。翻。出。時。至。感。物。聊。自。傷。豎。儒。  
守。一。經。未。足。識。行。藏。

休上人怨別

西。北。秋。風。至。楚。客。心。悠。哉。日。暮。碧。雲。合。佳。人。殊。未。來。露。彩。方。  
泛。豔。月。華。始。徘徊。寶。書。爲。君。掩。啼。哭。詎。能。開。相。思。巫。山。渚。悵。  
望。陽。雲。臺。骨。鑪。絕。沈。燎。綺。席。生。浮。埃。桂。水。日。千。里。因。之。平。生。  
懷。

騷類

離騷經

屈原

帝。高。陽。之。苗。裔。兮。朕。皇。考。曰。伯。庸。攝。提。貞。于。孟。陬。兮。惟。庚。寅。



吾以降皇覽揆余于初度兮肇錫余以嘉名名余曰正則兮  
字余曰靈均紛吾既有此內美兮又重之以修能扈江離與  
薜芷兮紉秋蘭以爲佩汨余若將不及兮恐年歲之不吾與  
朝搴阰之木蘭兮夕攬洲之宿莽日月忽其不淹兮春與秋  
其代序惟草木之零落兮恐美人之遲暮不撫壯而棄穢兮  
何不改其此度也乘騏驥以馳騁兮來吾導夫先路昔三后  
之純粹兮固衆芳之所在維申椒與菌桂兮豈維紉夫蕙芷  
彼亮舜之耿介兮既遵道而得路何桀紂之昌披兮夫唯捷  
徑以窘步惟黨人之偷樂兮路幽昧以險隘豈余身之憚歟  
兮恐皇輿之敗績忽奔走以先後兮及前王之踵武荃不察  
余之中情兮反信讒而齊怒余固知謇謇之爲患兮恐而不

能舍也指九天以爲正兮夫唯靈脩之故也初既與余成言  
兮後悔避而有他余既不難離別兮傷靈脩之數化余既滋  
蘭之九畹兮又樹蕙之百畝畦畹夷與揭車兮雜杜衡與芳  
芷蕙枝葉之峻茂兮願竣時乎吾將刈雖萎絕其亦何傷兮  
哀衆芳之蕪穢衆皆競進以貪婪兮憑不厭乎求索羌內恕  
已以量人兮各興心而嫉如忽馳騫以追逐兮非余心之所  
急老冉冉其將至兮恐脩名之不立朝飲木蘭之墜露兮夕  
餐秋菊之落英苟余情其信姱以練要兮長願領小何傷掌  
木根以結茝兮貫薜荔之落葉矯菌桂以紉蕙兮索胡繩之  
纏纏蹇吾法夫前修兮非時俗之所服雖不周於今之人兮  
願依彭咸之遺則長太息以掩涕兮哀人生之多艱余雖好



脩姱以鞿羈兮。嘗朝諝而夕替。既替余以憲讓兮。又申之以  
攬。虛亦余心之所善兮。雖九死其猶未悔。怨靈脩之治蕩兮。  
終不察夫人心。衆女嫉余之蛾眉兮。謠詠謂余以善淫。固時  
俗之工巧兮。何規矩而改錯。背繩墨以追曲兮。競周容以爲  
度。馳鬱悒余侘傺兮。吾獨窮困乎此時也。寧溘死以流亡兮。  
余不忍爲此態也。鸞鳥之不羣兮。自前世而固然。何方圓之  
能周兮。夫孰異道而相安。屈心而抑志兮。忍尤而攘詬。伏清  
白以死直兮。固前聖之所厚。悔相道之不察兮。延佇乎吾將及。  
迴朕車以復路兮。及行迷之未遠。步余馬於蘭皋兮。馳椒丘  
且焉止息。進不入以離尤兮。退將復修吾初服。製芟荷以爲  
衣兮。集芙蓉以爲裳。不吾知其亦已兮。苟余情其信芳。高余

冠之岌岌兮。長余佩之陸離。芳與澤其雜糅兮。唯昭質其猶  
未虧。忽反顧以游目兮。將往觀乎四荒。佩繽紛其繁飾兮。芳  
非其其彌章。人生各有所樂兮。余獨好修以爲常。雖體解吾  
猶未變兮。豈余心之可懲。女嬃之婁婁兮。申申其詈予。曰緜  
婞直以亡身兮。終然天乎羽之野。汝何博塞而好修兮。紛獨  
有此姱節。葳蕤施以盈室兮。判獨離而不服。衆不可戶說兮。  
孰云察余之中情。世並舉而好朋兮。夫何筮獨而不予聽。佞  
前聖之節中兮。喟憑心而歷茲。濟沅湘以南征兮。就重華而  
陳詞。啓九辯與九歌兮。夏康娛以自縱。不顧難以及後兮。五  
子用失乎家巷。羿淫遊以佚田兮。又好射夫封狐。罔亂流其  
鮮終兮。泥又貪夫厥家。澆身被服疆圉兮。縱欲而不忍。日康



娛而自忘兮厥首用夫。顛隕夏桀之常違兮乃遂焉而逢殃。  
后辛之菹醢兮殷宗用而不長。湯禹嚴而祗敬兮周論道而  
莫羞。舉賢而授能兮脩繩墨而不煩。皇天無私阿兮覽人德  
焉錯輔。夫維聖哲以茂行兮苟得用此下。瞻前而顧後兮  
相觀人之計。極夫孰非義而可用兮孰非善而可。嗚呼余身  
而危死兮覽余初其猶未悔。不量器而止柄兮固前脩以菹  
醢。曾歎歎余鬱悒兮哀朕時之不常。攬茹蕙以掩涕兮露余  
襟之浪浪。退跪歎衽以陳辭兮歌吾既得此中正。驅下此以乘  
鷲兮流埃風余下。征朝發軔於蒼梧兮夕余至乎縣圃。欲索  
留此靈璣兮日忽忽其將暮。吾令義和弭節兮望崦嵫而匆  
迫。路漫漫其脩遠兮吾將下。下而求索飲余馬於咸池兮總

余轡乎扶桑。折若木以拂日兮聊逍遙以相羊。前望舒使先  
驅兮後飛廉使奔屬。鸞皇爲余先成兮雷師告余以未其吾  
令鳳皇飛騰兮又繼之以日夜。飄風屯其相離兮帥雲霓而  
來御。紛總總其離合兮班陸離其上。下吾令帝閭開關兮倚  
閭闔而望予。時曖曖其將罷兮結幽蘭而延佇。世溷濁而不  
分兮好蔽美而嫉妬。朝吾將濟於白水兮登閭風而綈馬。忽  
反顧以流涕兮哀高丘之無女。溘吾遊此春宮兮折瓊枝以  
繼佩。及榮華之未落兮相下女之可。論吾令豐隆乘雲兮求  
處妃之所在。解佩褰以結言兮吾令蹇脩以爲理。紛總總其  
離合兮忽緯繡其難遷。夕歸夕於窮石兮朝濯髮乎滄溟。保  
厥美以驕傲兮日康娛以淫遊。雖信美而無禮兮來違棄而



改求覽相觀於四極兮周流乎天余乃下望瑤臺之偃蹇兮  
見有娥之佚女兮吾令鳩爲媒兮鳩告余以不好雄鳩之鳴逝  
兮余猶惑其佻巧兮心猶豫而狐疑兮欲自適而不可鳳皇既  
受詒兮恐高辛之先我欲遠集而無所止兮聊浮游以逍遙  
及少康之末家兮留有虞之姚理弱而媒拙兮恐導言之  
不固時湘濁而嫉賢兮好蔽美而稱惡閨中既以遠遠兮哲  
王又不寤懷朕情而不發兮余焉能忍與此終山索瓊茅以  
筵篲兮命靈氛爲余占之曰兩美其必合兮孰信脩而慕之  
思九州之博大兮豈唯是其有女曰勉遠逝而無狐疑兮孰  
求美而釋女何所獨無芳草兮爾何懷乎故宇時幽昧以眩  
曜兮孰察余之美惡人好惡其不同兮惟此黨人其獨異

戶服艾以盈要兮謂幽蘭其不可佩覽察草木其猶未得兮  
豈嗟美之能當蘇糞壤以充幃兮謂中椒其不芳欲從靈氛  
之吉占兮心猶豫而狐疑巫咸將夕降兮懷椒指而夢之百  
神翳其備降兮九疑繽其並迎皇剡剡其揚靈兮告余以吉  
故曰勉升降以上下兮求矩矱之所同湯禹餒而求合兮斲  
皐繇而能調苟中情其好脩兮何必用夫行媒諛諛繁於傳  
巖兮武丁用而不疑呂望之鼓刀兮遭周文而得舉竇娥之  
謳歌兮齊桓聞以該輔及年歲之未晏兮時亦猶其未央恐  
鶉鳩之先鳴兮使百草爲之不芳何瓊佩之偃蹇兮衆夢然  
而蔽之惟此黨人之不亮兮恐嫉妬而折之時繽紛其變易  
兮又何可以淹留蘭芷變而不芳兮荃蕙化而爲茅何昔日



之芳草兮今直爲此蕭艾也。豈其有他故兮莫好修之害也。余以蘭爲可恃兮羌無實而容長。委厥美以從俗兮苟得引乎衆芳。椒專佞以慢怡兮椒又欲克其佩幃。旣下進而務入兮又何芳之能祗。固時俗之從流兮又孰能無變化。覽椒蘭其若茲兮又況揭車與江離。惟茲佩之可貴兮委厥美而虛茲芳菲菲而難虧兮芬至今猶未沫。和調度以自娛兮聊浮游而求女。及余飾之方壯兮周流觀乎上下。靈氛旣告余以吉占兮歷吉日乎吾將行。折瓊枝以爲羞兮精粃麋以爲糧。爲余駕飛龍兮雜瑤象以爲車。何離心之可同兮吾將遠逝以自疏。遭吾道夫崑崙兮路脩遠以周流。揚雲霓之晡藹兮鳴玉鸞之啾啾。朝發軔於天津兮夕余至乎西極。鳳皇翼其承旂兮高翔翔之翼翼。忽吾行此流沙兮遵赤水而容與。麾蛟龍使爲津兮詔西皇使涉于路。脩遠以多艱兮騰衆車使徑待路不周。以左轉兮指西海以爲期。屯余車其千乘兮齊玉軼而竝馳。駕八龍之婉婉兮載雲旗之委移。抑志而弭節兮神高馳之邈邈。奏九歌而舞韶兮聊假日以愉樂。陟升皇之赫戲兮忽臨睨夫舊鄉。漢夫悲余馬懷兮蜷局顧而不行。亂曰已矣哉國無人莫我知兮又何懷乎故都。旣莫足與爲美政兮吾將從彭咸之所居。

九歌四首

東皇太一

屈原

吉日兮辰良。穆將愉兮上皇。撫長劔兮玉珥。舉繡鳴兮琳琅。



璠席兮玉璵。盍將把兮瓊芳。蕙有蒸兮蘭藉。奠佳酒兮椒漿。  
揚枹兮拊鼓。疏緩節兮安歌。陳竽瑟兮浩倡。靈假蹇兮蛟服。  
芳菲菲兮漉堂。五音紛兮繁會。君欣欣兮樂康。

雲中君

浴蘭湯兮沐芳華。采衣兮若英。靈連蜷兮旣留。爛昭昭兮未  
火。蹇將憺兮壽宮。與日月兮齊光。龍駕兮帝服。聊翺遊兮周  
章。靈皇皇兮旣降。焱遠舉兮雲中。覽冀州兮有餘。橫四海兮  
焉窮。思夫君兮太息。極勞心兮慙慙。

湘君

君不行兮夷猶。蹇誰留兮中洲。美夏眇兮宜脩。沛吾乘兮桂  
舟。令沅湘兮無波。使江水兮安流。望夫君兮歸來。吹參差兮

誰思。駕飛龍兮北征。遭吾道兮洞庭。薜荔柏兮蕙綢。承沆漈  
兮蘭旌。望涔陽兮極浦。橫大江兮揚靈。揚靈兮未極。女嬃媛  
兮爲余太息。橫流涕兮潺湲。隱思君兮徘徊。桂櫂兮蘭枻。斲  
冰兮積雪。采薜荔兮水中。搴芙蓉兮木末。心不同兮媒勞。恩  
不甚兮輕絕。石瀨兮淺淺。飛龍兮翩翩。交不忠兮怨長。期不  
信兮告余以不閒。朝騁鸞兮江皋。夕弭節兮北渚。鳥次兮屋  
上。水周兮堂下。捐余玦兮江中。遺余珮兮澧浦。采芳洲兮杜  
若。將以遺兮下女。時不可兮再得。聊逍遙兮容與。

湘夫人

帝子降兮北渚。目眇眇兮愁予。嫋嫋兮秋風。洞庭波兮木葉  
下。登白蘋兮騁望。與佳期兮夕張。鳥萃兮蘋中。罾何爲兮木



上。沅有芷兮澧有蘭。思公子兮未敢言。慌忽兮遠望。觀流水兮潺湲。藥何爲兮庭中。蛟何爲兮水青。朝馳余馬兮江皋。夕濟兮西澨。聞佳人兮召予。將騰駕兮借逝。築室兮水中。葺之兮以荷蓋。荃壁兮紫壇。播芳椒兮成堂。桂棟兮蘭橈。辛夷楣兮芍藥房。罔薛荔兮爲帷。擗蕙櫛兮旣張。白玉兮爲鎮。疏石蘭以爲芳。芷葺兮荷屋。綠之兮杜衡。合百草兮實庭。建芳馨兮廡門。九疑嶺兮竝迎。靈之來兮如雲。捐余袂兮江中。遺余襟兮澧浦。奉江洲兮杜若。將以遺兮遠者。時不可兮驟得。聊逍遙兮容與。息遊波兮馳望。馳望兮。屈原  
今九歌二首  
秋蘭兮麝蕪。羅生兮堂下。綠葉兮素華。芳菲菲兮襲予。夫入

自有兮美。子孫何以兮愁。苦秋蘭兮青青。綠葉兮紫莖。滿堂兮美人。忽獨與余兮。日成人不言兮。出不辭。乘回風兮。載雲旗。悲莫悲兮。生別離。樂莫樂兮。新相知。荷衣兮。蕙帶。倏而來兮。忽而逝。夕宿兮。帝郊。君誰須兮。雲之際。與汝遊兮。九河衝飈起兮。水揚波。與汝沐兮。咸池。晞汝髮兮。陽之阿。望美人兮。未來臨風。悅兮。浩歌。孔蓋兮。翠旌。登九天兮。撫彗星。竦長劔兮。擁幼艾。荃獨宜兮。爲民正。

右少司命

若有人兮山之阿。被薜荔兮帶女蘿。既含睇兮又宜笑。子慕予兮善窈窕。乘赤豹兮從文狸。辛夷車兮結桂旗。被石蘭兮帶杜衡。折芳馨兮遺所思。余處幽篁兮終不見。天路險難兮



獨後來表獨立兮山之上。雲容容兮而在下。杳杳冥冥兮羌  
書晦。東風飄兮神靈雨。留靈修兮憺忘歸。歲既晏兮孰華子。  
采三秀兮於山間。石磊磊兮葛蔓蔓。怨公子兮悵忘歸。君思  
我兮不得聞。山中人兮芳杜若。飲石泉兮蔭松柏。君思我兮  
然疑作雷填填兮雨冥冥。猿啾啾兮狄夜鳴。風颯颯兮木蕭  
蕭。思公子兮徒離憂。

右山鬼

九章

屈原

余幼好此奇服兮年既老而不衰。帶長鋏之陸離兮冠切雲  
之崔巍。被明月兮佩寶璐。涉澗澗而莫予知兮吾方高馳而  
不顧。駕青虬兮馳白螭。吾與重華遊兮瑤之圃。登崑崙兮食

玉英。與天地兮比壽。與日月兮齊光。哀南夷之莫咎兮且  
余濟乎江湘。乘鄂渚而反顧兮歛秋冬之緒風。步余馬兮山  
皋。低余車兮方林。乘舸船余上沅兮齊吳榜以擊汰。船容與  
而不進兮淹回水而凝滯。朝發枉渚兮夕宿辰陽。苟余其端  
直兮雖僻遠之何傷。入激浦余遭迴兮迷不知吾之所如。深  
林杳以冥冥兮乃援狄之所居。山峻高以蔽日兮下幽晦以  
多雨。霰雪紛其無垠兮雲霧霏而承宇。哀吾生之無樂兮幽  
獨處乎山中。吾不能變心而從俗兮因將愁苦而終窮。接輿  
髡首兮桑扈贏行。忠不必用兮賢不必以。伍子逢殃兮比干  
菹醢。與前世而皆然兮吾又何怨乎今之人。余將董道而不  
豫兮固將重昏而終身。



屈原既放三年不得復見

見其智盡忠蔽邪於讒心煩意亂不知所從乃往見太子鄭詹尹曰余有所疑願因先生決之詹尹乃端策拂龜曰君將何以教之屈原曰高寧惘惘款款朴以忠平將送往勞來斯無窮乎寧溘其死以力耕乎將遊大人以成名乎寧正言不諱以危身乎將從俗富貴以偷生乎寧超然高舉以保真乎將咬雪懷斯嗷嗷唯唯以事婦人乎寧廉潔正直以自清乎將突梯滑稽如脂如韋以絮櫪乎寧昂昂若千里之駒乎將汜汜若水中之鳧乎與波流而揚以余吾知其不可與騏驎抗軌乎將隨鴛馬之迹乎寧與黃鵠

比翼乎將與鷄鶩爭食乎此孰吉孰凶何去何從世溷濁而不清蟬翼為重千鈞為輕黃鐘毀棄瓦釜雷鳴讒人高張賢士無名吁嗟嘿嘿今誰知吾之廉貞詹尹乃釋策而謝曰夫尺有所短寸有所長物有所不足智有所不明數有所不逮神有所不通用君之心行君之意龜策誠不能知此事

漁父

屈原

屈原既放遊於江潭行吟澤畔顏色憔悴形容枯槁漁父見而問之曰子非三閭大夫與何故至於斯屈原曰世人皆濁我獨清眾人皆醉我獨醒是以見放漁父曰聖人不凝滯於萬物而能與世推移世皆濁何不泥其泥而揚其波眾人皆醉何不餽其糟而飲其醪何故深思高舉自令放為屈原曰



吾聞之新沐者必彈冠新浴者必振衣安能以身之察察受  
物之汶汶者乎寧赴湘流葬於江魚腹中安能以皓皓之白  
蒙世俗之塵埃乎漁父莞爾而笑鼓枻而去乃歌曰滄浪之  
水清兮可以濯我纓滄浪之水濁兮可以濯我足遂去不復  
與言

九辯五首

宋玉

悲哉秋之爲氣也蕭瑟兮草木搖落而變衰慄慄兮若在遠  
行登山臨水兮送將歸沈寥兮天高而氣清寂寥兮收潦而  
水清慙悽增欷兮薄寒之中人愴怆憤恨兮去故而就新坎  
壈兮貧士失職而志不平廓落兮窮旅而無友生惆悵兮而  
私自憐燕翩翩其辭歸兮蟬寂寞而無聲鴈噉噉而南遊兮  
鵠鷄喟嘶而悲鳴獨申且而不寐兮哀蟋蟀之宵征時豐豐  
而過中兮蹇淹留而無成

悲憂窮蹙兮獨處廓有美一人兮心不釋去鄉離家兮來遠  
客超逍遙兮今焉薄專思君兮不可化君不知兮可奈何蓋  
怨兮積思心煩愴兮忘食事願一見兮道余意君之心兮與  
余異車駕兮竭而歸不得見兮心悲倚結軫兮太息涕潺湲  
兮霏軼慷慨絕兮不得中譽亂兮迷惑私自憐兮何極心忤  
忤兮諒直

皇天平分四時兮竊獨悲此凜秋白露既下降百草兮奄離  
披此梧楸去白日之昭昭兮襲長夜之悠悠離芳藹之方壯  
兮余委約而悲愁秋既先戒以白露兮冬又申之以嚴霜收



恢台之孟夏兮然坎祭而沈藏葉落而無色兮枝頽擊而  
交橫顏淫溢而將罷兮柯彷彿而萎黃菡萏備慘之可哀兮形  
銷鑠而瘵傷惟其紛糅而將落兮恨其失時而無當擊非響  
而下節兮聊逍遙以相羊歲忽忽而道盡兮恐余壽之弗將  
悼余生之不時兮逢此世之徂攘澹容與而獨倚兮蟋蟀鳴  
此西堂心怵惕而震盪兮何所憂之多方仰明月而太息兮  
步列星而極明

竊悲夫蕙華之曾敷兮紛旖旎乎都房何曾華之無實兮從  
風雨而飛颺以爲君獨服此蕙兮嗟無以異於衆芳閔奇思  
之不通兮將去君而高翔心閔憐之慘悽兮願一見而有明  
重無怨而生離兮中結軫而增傷豈不鬱陶而思君兮君之

門以九重猛犬狺狺而迎吠兮關梁閉而不通皇天淫溢而  
秋霖兮后土何時而得乾塊獨守此無澤兮仰浮雲而永歎  
何時俗之工巧兮背繩墨而收錯却騏驥而不乘兮策駑駘  
而取路當世豈無騏驥兮誠莫之能善御見執轡者非其人  
兮故駒跳而遠去鳧鴈皆嗟夫梁藻兮鳳愈飄翔而高舉圓  
鑿而方枘兮吾固知其鉏鋸而難入衆鳥皆有所登棲兮鳳  
獨遑遑而無所集願銜枚而無言兮嘗彼君之渥洽太公九  
十乃顯榮兮誠未遇其匹合謂騏驥兮安歸謂鳳皇兮安棲  
變古易俗兮世衰今之相者兮舉肥騏驥伏匿而不見兮鳳  
皇高飛而不下鳥獸猶知懷德兮何云賢士之不處蹟不驟  
進而求服兮鳳亦不貪餒而妄食君棄遠而不察兮雖願忠



其焉得欲寂寞而絕端今竊不敢忘初之厚德獨悲愁其傷  
人今憑鬱鬱其何極

招魂

宋玉

朕幼清以廉潔今身服義而未沫主此盛德今率於俗而無  
穢上無所考此盛德今長離殃而愁苦帝告巫陽曰有人在  
下我欲輔之鬼鬼離散汝筮予之巫陽對曰掌夢上帝其命  
難從若必筮予之恐後謝之不能復用巫陽焉乃下招曰鬼  
今來歸去君之恒幹何爲乎四方些舍君之樂處而羅彼不  
祥些鬼兮歸來東方不可以託些長人千仞唯鬼是索些十  
相代出流金鑠石些彼皆習之鬼往必釋些歸來歸來不可  
以託些鬼兮歸來南方不可以止些離題黑齒得人肉以祀

以其骨爲醢些蝮蛇綦綦封狐千里些雄虺九首往來倏忽  
吞人以益其心些歸來歸來不可久淫些鬼兮歸來西方之  
害流沙千里些旋入雷泉應散而不可止些幸而得脫其外  
曠宇些赤蟻若象玄蠹若壺些五穀不生藁菅是食些其土  
爛人求水無所得些彷徨無所倚廣大無所極些歸來歸來  
恐自遺賊些鬼兮歸來北方不可以止些增冰峨峨飛雪千  
里些歸來歸來不可以久些鬼兮歸來君無上天些虎豹九  
關啄害下人些一夫九首拔木九千些豺狼從目往來佻佻  
些懸人以嬉投之深淵些致命於帝然後得瞑些歸來歸來  
往恐危身些鬼兮歸來君無下此幽都些土伯九約其角觶  
觶些敦厥血拇逐人驅馱些參目虎首其身若牛些此皆甘



人歸來歸來恐自遺災此竟兮歸來入倚門些上祝招君背  
行先些泰籌齊縷鄭綿絡些招具該備永嘯呼些竟兮歸來  
反故居此天地四方多賊姦些像設君室靜開安些高堂邃  
宇檻層軒些層臺累榭臨高山些網戶朱綬刻方連些冬有  
突夏夏室寒些川谷徑復流潺湲些光風轉蕙汎崇蘭些經  
堂人與朱塵筵些砥室翠翹柱曲瓊些翡翠珠被爛齊光些  
蕤阿拂壁羅幃張些纂組綺綺結琦瑋些室中之觀多珍怪  
些蘭膏明燭萃容儀些八侍宿射遞代些九侯淑女多迅  
衆此感器不同制實滿宮些容態好比順彌代些弱顏固植  
寒其有意些姁容脩態組洞房些蛾眉曼睩目騰光些靡顏  
膩理遺視瞻些離榭脩慕侍君之間些翡翠翠幃飾高堂些

紅壁沙版玄玉之梁些仰觀刻桷畫龍蛇些坐堂伏檻臨曲  
池些芙蓉始發雜芰荷些紫莖屏風文緣波些文異豹飾侍  
陂陁些軒轅既低步騎羅些蘭薄戶檜瓊木籬些竟兮歸來  
何遠爲些室家遂宗食多方些稻黍穰麥粳黃粱些大苦鹹  
酸辛甘行些肥牛之腴脂若芳些和酸若苦陳吳羹些膾鼈  
炮羔有柘漿些鵠酸臍臆煎鴻鶻些露鷄膾蠃厲而不爽些  
秬秠蜜餌有餽餽些瑤漿蜜勺實羽觴些控糟凍飲耐清涼  
些華酌既陳有瓊漿些歸來歸來反故室敬而無妨些肴羞  
未通女樂羅些陳鐘按鼓造新歌些涉江采菱發揚荷些美  
人既醉朱顏酡些煇光眇視自曾波些被文服織麕而不奇  
些長髮曼髻噍陸離些二八齊容起鄭舞些衽若交竿撫案



下些等。瑟狂會。真鳴鼓。些宮庭震驚。發激楚。些吳歎蔡謫。奏  
大呂。些士女雜坐。亂而不分。些故陳組纓。班其相紛。些亦南  
妖玩來。雜陳些。激楚之結。獨秀先些。簞箴象棊。有六博些。分  
曹竝進。適相追些。成棗而牟。呼五白些。晉制犀比。費白且些。  
錢鐘搖篋。撰梓瑟些。媿酒不廢。沈日夜些。蘭膏明燭。華鈴錯  
些。結撰至思。蘭芳假些。人有所極。同心賦些。酌飲既盡。歡樂  
先哉些。魂兮歸來。反故居些。亂曰。獻歲發春。兮汨吾南征些。  
菰蘋齊葉。兮白芷生些。路貫廬江。兮左長薄。倚沼畦瀛。兮造  
壘博。青驪結駟。兮齊千乘。懸火延起。兮玄顏烝步。及驟處兮。  
誘騁先抑。驚若通兮。引車右還。與王趨夢兮。課後先君。王親  
發兮。懔青兕。朱明承之。兮時不可淹。皋蘭被徑。兮斯路漸。湛

湛江水兮。上有楓。目極千里兮。傷春心。竟兮歸來哀江南。

招隱士

劉安

桂樹叢生兮。山之幽。偃蹇連卷兮。枝相繚。山氣隴嵒兮。石嵯  
峨。谿谷嶄巖兮。水曾波。援狻羣嘯兮。虎豹嘯。攀援桂枝兮。聊  
淹留。王孫遊兮。不歸。春草生兮。萋萋。歲暮兮。不自聊。蟋蟀鳴  
兮。啾啾。塊兮。輒。山曲嶠兮。心淹留兮。惘怳忽。罔兮。汾淅兮。慄虎  
豹。吮叢薄深林兮。人土。慄欬岑。碻礧兮。礧礧。樹輪相糺  
兮。林木茂。凱青莎。雜樹兮。蕙草霏靡。白鹿麇麇兮。或騰或倚。  
狀貌嶮嶮兮。峨峨。淒淒兮。泚泚。獼猴兮。熊羆。慕類兮。以悲攀  
援。桂枝兮。聊淹留。虎豹鬪兮。熊羆咆。禽獸駭兮。亡其曹。王孫  
兮。歸來山中兮。不可以久留。







